

賭棋山莊所著書

賭棋山莊集

詩四

長樂謝章銓枚如撰

興化旅次答友人

知己當年半老蒼
逢君青眼共他鄉
雲龍上下吾何敢
且駕輕舟看八荒

過泉州

萬古勞人路崎嶇
一徑斜山童無草木
田薄雜泥沙况瘁嗟
僮僕關河惜歲華
不徒游子意日暮輒懷家

好勇疾貧甚泉漳治法難

鄉先輩謝退谷教諭曾著泉漳治法論

小民衣食足行

容夢魂安

時道旁有被盜者

用猛能留愛懷清卽好官
越王拳石在莫

遺隱雲端

發同安見罌粟感賦

夙駕發泉山言至同安縣路旁紅白花或言是鴉片吁嗟阿芙蓉毒藥衆歡忭能令金錢虛復使朱顏變黃許各建言漏卮塞未徧爭利而忘身邊城紛刀箭白骨高如山言之心膽顫小民爾何知酖酒甯堪嚙妻子困饑寒精神供烹鍊不見四方人嗜者終貧賤如何蕞爾區栽種及芳甸 國家有科條努力避嚴譴作詩望長官申禁惟其便

漳平雜詩

浮橋橋下足風波耶自登舟妾自歌莫學北溪飛塔樣兩邊相

望暮雲多

相傳龍江潭雙塔始皆在東溪後其一飛至西溪

幽潭仙井走雲容斗大青城見九龍今日我來索鱗爪流泉鳴

咽叫寒蛩

漳城之地多以龍名龍潭龍井不一而足舊誌稱昔時有九龍見溪上

巖園當日亦詞豪偶爾鴻泥溷冷曹一盞龍停山下水紫雲無

地薦溪毛

晉江丁雁水曾作漳平教授著紫雲詞誌不詳

乞靈土木託仙鄉巖下蓮花幾處香一自使君歸去後塔門衰

草怨斜陽

令漳平者輒於東山蓮花冢左右壘塔

送肖巖之甯洋

又作長途別淒然送汝行可憐煙瘴地能使夢魂驚吾道存天

壤知交望盛名故人珍重意不獨爲生平

寒雲起天半其下走狂瀾入世多情誤論交稱意難濟川能用
楫當戶敢鋤蘭杯酒遲潘岳

謂藹庭

應知結古歡

偶成

孤樹正當門一葉墜秋草手採石榴花頗覺春光好悠悠思昔
人綿綿看遠道舉杯弄寒泉掬之苦不早

贈潘藹庭

聯禱

手撥狂雲看八方狂奴雙眼冷如霜十年作客驚時目幾輩論
交識熱腸遠水不波帆影健長林過雨鳥聲忙尊前一笑無窮
意合問平生辭與黃

過東山塔院

一逕通幽碧翠峯接晚青溼雲低傍戶叢樹遠疑屏偶作菁城
客來參上乘經野花堪插鬢短髮惜星星

將歸自漳平作

門戶支持愧健才九原誰築望兒臺平生無限傷心事千里麻
衣染淚來

故人減字寄雙魚犯暑衝寒怨歲除今日我歸更惆悵奔波無

計愛吾廬

肖巖近詞有衝寒犯暑
年年忘卻除夕之句

拏雲捉月大江流意氣還能隘九州杯酒天涯對知己先尋隙

地與埋憂

幼臣知余
近狀甚悉

江湖夢得幾哀歌卻欲投書弔汨羅三載成連臺下過牙琴冷

落負恩多

別范川三年孤負其期望甚矣

發泉州至興化雜詩

海雲破碎弄晴霄宿雨新添百尺潮我逐泉南山下燕風波齊
過萬安橋

楓亭零落舊枝柯梅嶺閒花冷薜蘿十里溪山發惆悵美人名
士雨消磨

替花無限抱春愁那得移花上翠樓今日看花人已倦愛花猶
認舊枝頭

筍輿閒坐趁輕舟綠樹紅牆水似油如此溪山重才俊莆風清

籟幾人留

浦江以舟載輿而渡 莆風清籟集 國朝鄭王臣選

別肖巖藹庭

關河千里至青眼得潘侯草選忘憂種香宜解鬱留權奇能玩
世感憤出深謀一夜離心發輕舟逐水流

自愧貧爲病應知醉是愁一蟬吟抱樹羣燕舞隨舟身世憂心
棘風塵俠骨留黃生明月夜杯酒怨高樓

題高文樵思齊詞卷

幽蘭作紙寫離騷手捧神龍鑄寶刀抱得無絃琴譜在琵琶肯

唱鬱輪袍無絃琴譜君鄉先賢仇山村詞名

羅刹江頭有迹波六和埕下月華多銅琵琶鐵板俱無恙幾輩江
湖載酒過

達夫詩筆自清超，減字偷聲倚碧簫。近日旗亭看畫壁，可容賭

酒解金貂。

蘿月淒涼許子規，武彝山下竟何之。酒邊斫劍故人老，一曲檀

槽怨柳枝。

吾鄉許秋史以人在子規聲裏瘦句得名許子規後墜武彝仙人掌下死斫劍詞芭川著

苦雨

五更梁間墜饑鼠，走向牀頭作鬼語。燈光慘綠縮如黍，照見家
山在何許。故人歎息僮僕苦，旅館低頭作病虎。昨日暴風今日

雨

雨霽過萬安橋謁蔡忠惠祠

一徑倚翠微，驚湍方奔注。晨曦照林隙，僕夫喜相顧。山容戀宿

雨微風扇和煦天半萬安橋潮浪自吞吐廟貌尙儼然豐碑已
改故斯人不可作誰與攄情愔吁嗟濟世才造福及道路詎爲
一時名自信千秋務弱草媚高原倦鳥依幽樹僕僕向風塵吾
儕無乃誤誦君四賢詩太息登輿去

祠前有四賢
一不肖詩碑

懷人

張郎幻夢等浮漚剩我人間兩鬢秋委化甯知離別苦勞生長
抱古今愁殘山孤鳥常銜石遠水寒魚獨上鉤一卷當年遺挂
在苦從羣屐憶風流

任如

海外文章諒有神三年離合怨風塵酒杯睥睨輕餘子詩卷吹
求託故人愛我每爲千載計與君同護百年身騎龍控鯉平生

事謝鄭功名若个真

芑川

叱咤猶能敵萬夫
酒酣燕市訪屠沽
平生闊達無時譽
一念艱貞少畏途
書劍十年龍氣隱
關河千里雁聲孤
西園忽憶風雲約
君棄毛錐我棄繻

少棠

江樓一角鎖江潮
樓外神龍戲碧霄
定論千秋應有待
多情末路總無聊
題糕意氣驚開眼
乞米年光怨折腰
臣朔萬言饑欲死
且隨蹤跡溷漁樵

星村

過葉文忠墓下

當年曾讀蒼霞草
今日松楸拜闕宮
不死能爲名士福
有容眞得大臣風
山川幾度經殘劫
嶺海何人作鉅公
甲古傷今無限

淚故鄉百里兩文忠

林文忠本
籍福清

重到漳平感事贈董少白

慶灑

九月輕霜兩鬢深關河千里賦駸駸肝腸斷後還嘗膽性命孤
時只問心豈有酖人疑叔子那知烹狗到淮陰焦桐供爨尋常
事枉費鸞膠續素琴

秋蘭谷口菊籬東各抱幽香對晚風我輩從來難驟合古人未
必不相同佯狂醉態誰能諒感憤微言汝最工饑燕愁鶯三百
日腳根無定逐飛蓬

阮運才多亦不祥江湖涕淚滿文章鼓刀幾輩從朱亥推轂何
時報鄭莊一雨便寒識天意斷雲雖薄有山光低頭矮屋青青

眼控鯉猶能駕八方

同葉甲三

鼎全

夜話感贈

文樵謂汝不尋常辜負奔波百日忙積紙那知難補壁牽絲無
故忽登場久經摧折還留舌對訴崎嶇各斷腸閱盡雞蟲低首
坐鬚眉只恐愧堂堂

手築層樓百尺高縱橫意氣對醇醪應知天地非無意如此江

山亦足豪

甲三足跡編
大江南北

尙有千金求駿骨何妨萬事等鴻毛側

聞寰海風雲急自起挑燈看寶刀

大盈聞警

逆裔昔爲亂海門多隱憂熱塵開鬼國苦雨冷神州睨柱爭完

璧垂堂畏射鉤治安長策在應與賈生謀

下游千百里此地亦巖疆敗徑隨泉轉飛沙若雨狂城孤空虎踞地僻慮鴟張不獨風霜裏行人日暮忙

泉南題壁

執法原非誤防危果孰精遇災貪愈甚首禍死猶輕野靜宜除火民窮莫耀兵應知濱海地跋浪有長鯨

吾愛史明府

諱必大乾隆初晉江令無稗政民稱之曰史青天

青天享盛名吏胥猶感

化草木亦懷清繡隴眠青犢閒衙聽早鶯至今循政傳俎豆視

簪纓

漁溪感作

魚龍跳舞海天寬虎口餘生血未乾猶有薜蘿山下女至今彈

淚怨軍官

時有上海婦人遭夷亂家破夫亡去遂流落作倚門妝聽其言極沈痛也

自書紀行冊後

尚有斯人在艱危未足傷乾坤爲悲喜貧賤惜文章水逼成巖
凍花高得遠香憑闌無限意低首見斜陽

得芑川凶問

竟歸切利別人間丁卯橋頭想掩關

芑川屢夢至一所有橋曰外丁卯精舍數楹或邀之

復位世事紛紜難死所家人魂夢誤生還冷官報國惟身命獨病

懷鄉隔海山

臺匪倡亂芑川力疾守陣以勞瘁死

淒絕當年題墓語西風吹鬢未

成斑

東洋酒邊余謂芑川曰君真不愧教諭二字芑川慨然曰余今不作長安笑矣死之日子爲題墓碣曰清教諭劉君

之墓
可也

百變煙雲腕有龍力刪時派振鐘鏞風騷提唱懸奢望血性爲
文識正宗已領名山誰敢占欲臨蒿里亦無從

時余羈居異
地未獲造奠

絃不語傷心極檀板如霜蠟淚濃

張衡零落已山邱

芑川兄女夫張任如余密友也死
後余圖其影爲長卷芑川作讚

被髮君還

弔九幽骨肉相知纔十載姓名後死孰千秋指囷幾輩憐孫策
賈卜逢人訪馬周應逐松寥山下客

亨甫別字松寥山人芑
川與亨甫最善屢哭之

原灑淚話神州

多愁况復累文章早慧明知與壽妨

芑川自知年壽不永嘗謂
余曰若到四十子當爲我

作壽

序 尙望奔波能集福誰知指月竟韜光

芑川有指
月圖小照有情應結

他生好何地還容我輩狂寂寞西州舊賓客騷魂戀此亦回腸
歲暮感懷

孤樹墜霜氣遙天黯夕暉一尊聊自酌萬古孰同歸卒歲饑寒
逼窮廬車馬稀山妻能慰我談笑對牛衣

早歲搜幽疾中年愛出游室家生死淚南北別離愁風樹抱餘
憾關河愧遠謀哀哉澤中雁辛苦稻梁求

奇貨咸陽賈懸書竟國門積威方在世刊誤敢爲言一藝亦難
恃千金何足論買絲藏篋笥留以繡平原

故人劉子駿昔日愛狂歌真氣酒能出雄心劍自磨一廬激風
雨獨夜走巖阿不見美人笑寒泉咽薜蘿

酒盡曲

幾人低頭在鄉里四海誰生復誰死當前有酒且醉之門外東風吹桃李桃李花烏啞啞烏飛不去花已落低天四角浮雲薄酒盡何以爲歡樂

得友人書感賦

北風颯颯天冥冥孤燈挂壁搖春星板牀三尺身七尺睥睨猶餘雙眼青眼光墜地如珠走驚起癡龍向空吼神鬼傍徨帝天泣悔使斯人困升斗昨日赤松子示我七寶章今日西王母遺我流霞觴有書有酒且快意手拂扶桑看曉光東方小兒忽笑我笑我形容未枯槁四十萬言亦頗可何不索米長安道

從桂庭處檢得舊日所與任如諸札泣然志痛

上天下地竟何之十載故人鬢亦絲矮屋孤燈聽蟋蟀亂山斜
月走狐狸糟糠飄泊佳人怨門戶艱難弱弟持手把當年舊書
札茫茫泉路盡交期

人生集福在癡騃夙慧多聞總禍胎北海少時真了了西州過
後更哀哀空留熱血供歌嘯難得騷魂共往來曩歲鍾期山海
去碎琴不返舊池臺

謂芑川

劉贊軒勳 貽詩推獎備至賦此答之卽步其韻

唐衢痛哭何爲者慷慨狂言孰與聽閱世憐君雙眼白洗心照
我一江青乾坤莽莽隨生死池館昏昏雜醉醒手指浮雲三太

息歸來華表已非丁

閉門

細雨斜風裏終朝獨閉門好花寒若此何以慰銷魂劍向羣雄
說文爭厯劫存飛揚平日志須待九州論

鳳凰篇答贊軒

琅玕慘不花鳳皇安得食百鳥顧之噪一鳥若太息太息謂鳳
皇青雲矯雙翼偃蹇百鳥間何以永朝夕豈無出山人種桐待
棲集明霞照四海覽輝下千尺願與鳳皇俱丹邱或可穴回頭
顧燕雀弓矰將汝及

花朝感舊

一花一客水雲邊煮酒論詩忽七年好夢重圓須隔世故人何
意竟生天遠山斷續迷煙樹夜月淒涼冷管絃地下有誰堪作
伴畫圖舊句總纏綿

已酉花朝在東洋芭川設飲召客作花朝
雅集圖填百字令有一花一客花隨客至

之句今
七年矣

每逢初度倒金尊苜蓿盤前雜笑言滿地桃花人影瘦一襟涼
月酒痕溫中年竟抱龍蛇厄舊館徒餘鳥雀喧我與彭宣齊下

淚後堂衰草怨高軒

花朝後一日芭川初度
在東洋日門生皆稱壽

送炯甫入都

臺上黃金盡淒涼買駿心論才望千古少賤寡知音此意向誰
說別離淚滿襟悲歌送君去尊酒亂山陰

風鶴忙如此叩 闈台請纓窮途戀科第命世薄公卿落日關
河黑餘生水火驚東南諸父老扶杖話澄清

小枝區區耳銷磨歲月長寒儒無事業熱血託文章鷓蚌爭偏
急魚龍戲愈狂獨憐三尺劍羞澁土花黃

京國五千里閩民戴 帝天誰將 聖人意長保太平年招

募忙屯戍

近募兵四
出防堵

羈縻誤守邊

曠夷錯處民間
所行益無忌憚

賈生能對策

比戶與安眠

書李空同集後

少陵既死無文章不解至性徒鋪張空同學杜三十載淋漓老
筆森輝光平生慷慨好奇節晚年可惜多披猖中興扶衰終在

此西涯東里皆糝糠崢嶸百年得佳會

空同有崢嶸
百年會篇

雲裳手織

來帝鄉二病三害及六漸叩頭抗疏嚴風霜壽甯劉瑾同破膽
長弓霹靂驚狐獐此時直聲滿天下此際雄才冠八方男兒安
肯事權貴狴牢坐困姓名香對山救我乃畏死樂府忍唱中山
狼陽春書院又作記誰憐太白流夜郎事君交友無一可齊名
應愧何信陽徒令七子分時餒爭雄壇坫推詩王吁嗟乎洪宣
以後誰班揚威鳳一叫驅蝸蟻許身稷契猶未可應問成都舊

草堂

花朝贊軒招飲走筆題其雅集圖

一年看花須及時對花醉覆千金卮花如嬌女我擁之癡語問

花花不知好春卻喜無風雨明月空庭夜三鼓移花就月尤娉
婷花前欲作飛仙舞人間萬事水東流人生那得無煩憂功名
富貴詎長在干戈滿地添春愁況我山陽舊聽笛哀歌長向悲
風激懷藤館下草蕭蕭玉兩山前窗寂寂十數年前花朝會飲
之處今芑川云亡松
亭遠出皆不
可復問矣當年賓客皆人豪文章睥睨無時髦寄嶽醉態花
能笑突兀狂言天爲高卽今過眼成陳迹樓臺細草傷心碧招
邀忽復聚弟兄折簡停車來佳客苦吟頗欲學王維再接再厲
心忘疲如淮醇酒足酣戰糟邱勝負相爭持燭光人影紛上下
酣者狂歌醉者罷投轄時還學孟公汲泉煮茗談清夜愧我平
生髮已蒼每聞時事增慨慷黃壚賣酒都成夢赤縣栽花何處

鄉畫圖一幅忍開看回首晨星隔河漢諸君努力各酣嬉不見
春風已過半

喝水巖

無端金碧竟輝煌範水模山終日忙不敢題詩繼諸老紀遊聊
復刻蒼筤

予戲於竹竿刻字紀遊巖左右名蹟林立無隙地
可容我輩著筆近忽有摩崖鐫句者前賢詎不畏後

哉生

東際樓雨夜

風聲鬱叢松怒號不得息一白閃衆陰電光射窗隙驟雨忽傾
檐倏若萬矢急危樓憑震撼蹈空勢岌岌昂首諸天低佛火自
深碧此時靜者心浩瀚方無極獨起推疏櫺欲與羣靈揖

達摩洞

無字得禪意有字闡禪理我若轉法華佛應大歡喜

八仙巖

頑石如頑仙閒散無名姓卓立向空亭呼之不能應

桃巖洞

仙人應怪無劉阮老盡桃花不許開但覺荒苔作寒碧松風謾
謾一天哀

歸途作

回首青山倍有情十年七度入山行流泉似恐我歸去相送還
爲嗚咽聲

感作

意氣萬夫敵無端困路歧人情非不厚吾道實堪疑多病經秋
瘦濃愁得夢遲何方有茅屋閉戶慰妻兒

題贊軒橫劍話風騷圖

有序

予舊贈贊軒詩有與君橫劍話風騷句贊軒以之作圖並貌
余像

昔者君家兄起衰有盛業欲作名山圖許我把臂入捧檄渡海
去淒涼弔遺集一旦忽見君感舊雜歌泣蒙君雙眼青喜君一
心直君才足千古所貴堅樹立聖凡爭方寸人鬼判呼吸勿以
騏驥姿而使駑駘及去日方堂堂來時尤岌岌一家有師資願

君念原隰

男兒一寸心遠與四海極赤烏縱不回魯陽自努力我才如糶
稊春榆未可食中更憂患多頗覺時世習嗚乎蓬蒿間誰能矯
孤翼書卷自摩挲劍光久拂拭無言有真契守中持以默舉首
忽看天蒼茫思家 國披圖萬感生終夜不得息

賭棋山莊集

詩四終

賭棋山莊集

詩五

長樂謝章鉉

會李曉峯

以烜

覃溪羅才俊東泊得梁

芷鄰先生

李英英觀察公一日能千里文章

亦餘技循良見治理竊比陽明子思恩政尤美丹旒淮海來九

原竟不起摯交林文忠對人時歔唏 國家思棟梁門戶重橋

梓榕園手著書

先生任思恩府刻有潤經堂自治官書

朝夕對棐几繼起尋常事

何必愧青紫

賤子少疎狂骯髒惜行止許身學杜陵哀歌寄微旨轉瞬三十

餘萬事驚流水憂危強自持得失少悲喜獨憐方寸心未肯干

秋恥看劍望古人投杯思知己蒼茫獨立時何幸見吾子

帶甲滿山川蟲沙雜生死供億須厚資高門已無幾昨夜見軍符徵兵猶未已委頓長城亡倉皇大纛起報國金秬侯喪元

墜流水

延平守金穀生

乾坤總瘡痍吾敢饑寒恥治安知誰是太息聊

復爾

令兄

少棠

善慷慨見我輒欣喜近水看山樓

樓在荔水莊余曾與少棠讀書其上縱

橫共圖史稱君負清才醇厚更無比瓣香雪浪齋齊名勉蘇李
師法有真傳肯讓古人美揮灑杯酒間珠玉動盈紙手筆君自
佳鬚眉吾可鄙吁嗟窗前梅嶺強嚴霜裏九畹未荒蕪努力滋

蘭芷

讀陽明先生集

陽明天人姿講學能揆武萬事不動心餘效方足覩當其未發
縱蠢蠢如病虎一旦赴神機雷門奮天鼓貴精不貴多有攻必
有堵指臂吾既聯頭顱彼可取高著在敵先敵百當以五辱國
嗟何人用兵乃無數

書宋已舟

謙詩後

聞道哀吟鄭繼之
遲清亭下有餘悲
可憐三百年來月
又照蒼茫獨立時

學杜誰分骨與皮
美人善怨亦堪疑
固知別有傷心處
不獨長鑲託命時

題芑川詩後

有敘

芑川與余詩札不下數十百通既聯爲長卷偶檢殘篋復得此紙裝池而懸之壁如見我故人焉嗟乎茫茫世事稅駕無期芑川若在不知更作如何嗚咽矣而况獨夜懷人如予者乎繫以二律情見乎辭

魂魄果何處文章尙在茲十年知己淚萬里蓋棺悲所志豈無負相逢儻可期九原念隨會立盡暮雲時

時事急如此牙琴怨海山果能逃劫外何必戀人間風雨疑天醉詩書剩我頑孔融上座客雙鬢忽成斑

松風堂弔李忠定公

松風堂在閩山山高水潺潺我公正氣塞其間前年天子
詔祀公於孔廟今年暎夷來欲奪公堂起崇臺金繒餌敵亦何
意我公生死胡人忌前有幹離不後有暎吉利

七夕後八日暴風甚雨小齋水漲過尺感作

乍喜辭卑溼舊居西門
屢被水患誰知與水謀傾簷能作浪繞屋竟成舟

樹獨風威萃天低雲氣周長河宜手挽洗甲好歸休

便少牀乾處昂頭且放歌風長誰破浪吾少已奔波伸屈隨天

置顛連奈世何時路人多顛
不得歸不須猶洶湧時事日江河

懷文樵汀州

故人舍我去風雨暗關河生死乾坤急功名談笑多應官知晚

食彙筆敢狂歌遙想弓鞬瘁流年怨逝波

中秋後夜見月

怪雨盲風已一時還留好月照鬚眉許多蕭瑟難爲贈從此分明尙未遲冷到吟蛩秋意足愁如流水老天知團圓漸覺下弦迫欲向靈娥一語之

春陰

荼蘼庭院晝悄悄瘦日無光冷短襟宿酒初醒人獨立好花將落鳥孤吟誰來黯黯故園地共訴綿綿遠道心試上高樓一回首亂山如夢暮雲深

答符雪樵

兆綸

先生

一笑忘微祿，千秋託浩歌。
淋漓真氣足，感憤罪言多。
矮屋愁拚酒，荒城憶枕戈。
罷官有詩卷，猶未算蹉跎。

雨中同己舟贊軒

四壁寒逾甚，寥天黯黯中。
濃陰如此積，孤影幾人同。
高詠無明月，離居畏朔風。
忽然見衆草，得意綠匆匆。

落落人俱寂，垂垂花自紅。
低頭數太息，掩卷聽哀鴻。
芳草長何意，浮雲變易工。
不應孤館雨，曉夜總空濛。

得芑川觀海集喜賦

有敘

芑川樞歸中途遇盜盡失其生平著述累年求之不獲一字
越五載其同官某忽攜此卷至自臺灣信乎文章之不可磨

滅也

豈容身後事寂寞夜臺間
神鬼驚精氣風雲護海山
一編獨完好此樂抵生還
相見終無日孤吟又愴顏

近日談文字妙才得宋

已禮舟梁

堂時聞至性語不逐少年場相對

孤燈夜重傷大雅亡九原望宗匠俯仰轉蒼茫

孤雲

乾坤偏著汝邱壑更何時飄泊原如寄清高易見奇勢孤成雨
少心重出山遲獨立蒼茫外春風養委夷

送筠川之官嶺南感念芑川

雲黑海漫漫五年淚暗彈文章憑後死魂魄續前歡今子又干

里依人戀一官存亡總酸楚頓覺別離難

過春暉草廬聞少棠將之延平

小樓俯仰有滄桑十載聞歌縱酒場忽報故人江上去干戈滿地竟他鄉

七夕同梁禮堂鳴謙酒邊話別

黯黯銀河水一方搖搖明燭冷秋光不知今夕爲何夕竟戀他鄉去故鄉從此江湖易聚散他年宇宙有文章登場莫看魚龍戲寂寞雙星恐斷腸時坐有伎樂

詠史

汪汪千頃陂養此徑寸珠業業深山中幽蘭顏色姝平生有懷

抱遼蘂愧丈夫圭璧戀明德胡不貢皇都義御忽西匿鬢髮日
益疎衡門豈不好長途何崎嶇子雲再三歎閉戶且著書

古人重守邊關塞何悠悠胡笳嗚咽聲神鬼爲之愁鴟鴞本怪
鳥乃與鳳皇謀豈無丈二組繫取單于頭陸賈獻新書千金南
越游班生一投筆去爲萬里侯

鄧通有銅山不爲黃頭郎忽珥侍中貂勢燄傾朝堂爲問交游
誰許史與金張爲問功業何笙歌及酒漿珠玉如糞土奴隸盡
輝光朝爲黃金屋暮舉白玉觴賓客前致辭夜長樂未央人生
既多財快意亦何傷

拙者委溝壑能者據要津誰知一卷書難庇七尺身仲由行負

米薄養悲其親東方廿萬言不及粟與薪庠序叢蔓草毛褐笑
儒巾東鄰工飲羊歸家坐華茵西鄰昔酒削鼎食何清新盈虧
分外事得失無足陳但傷江河下何由風俗醇

哀哉衆赤子潢池競弄兵龔公旣不作渤海何由清羽檄東南
馳搜括千萬金求之錙銖難用之泥沙輕脂膏亦已竭十室九
吞聲烽火稍無恐吏胥復相驚蹀躞東西水溪壑何時盈自古
有吏治乃能致太平

黃巾昔倡亂白骨高如山寡婦傍路哭悶之淒心肝驃騎何潭
潭長歌入漢關虎臣撫長劍志若無人間一朝值禍敗累數不
能殫淒淒英風來皎皎大星寒浩氣凌天地可以勵衣冠報國

誠無負何必須高官

人生宇宙間歛忽若飛塵無令蓋棺後譏諷雜笑顰筋骨腐有
日媿叟何足陳直聲激殿陛折檻批逆鱗朱雲無忌諱固與壯
士鄰孔光負經術不足稱大臣

醇茂董江都獨對天人策慷慨賈長沙痛哭長太息當其未遇
時鄉里鄙顏色際會得風雲一字值萬鎰纖纖澗底松所志在
千尺祥鸞未高飛百鳥交啾唧不爭一時榮自信連城壁方寸
抱天心艱貞肯於邑日夕對古人浩然此胸臆

寄桂庭

差喜微名就終慚重託虛十年究何益萬里况離居嗜學應如

酒謀生敢廢書阿兄頻入夢相望勉居諸

別肖巖卽送其之蘇州

芑川埋玉已千秋今我還爲萬里游喪亂頓忘離別苦江湖長
隔死生愁故山鬼市明燈火去路狼烽照畫樓住旣不堪行亦
惡浮萍萬點水悠悠

傷離歎逝怨奔波四十年華一瞬過已覺此身負家 國不知
何術補蹉跎他年便奮功名路與子同傷鬢髮皤杯酒今宵且
沉醉輪蹄南北共消磨

石倉園弔曹能始先生

黑雲漲天天欲溼吹浪魚龍惡風急江山破碎及園亭毅魄騎

賭棋山莊集

詩五

七

鯨向空泣先生嶽嶽真人豪薄宦睥睨無時髦懸車解組戀鄉
里手鑄煙霞養風騷移花布石有真意看水看山日萬遭閉門
自寫盛唐句不管長江飛怒濤是時壇坫盛冠蓋烽煙猶在仙
霞外夜雨千山有斷魂春風一席還高會徐謝飛揚聚奇才更
尋駿骨黃金臺泉聲終日繞秋室江魚作膾詩人來胸中縱橫
有萬古牛斗迴光照江滸劫灰莽莽忽高飛一徑寒花泣秋雨
諸將忍看帝座移孤臣何術天心補搖搖檠戟山水光此日眞
成去故鄉妙峯慘淡無顏色三年碧血埋何方卽今池臺竄狐
鼠黯黯青山無一語生前一管死一繩斜日園丁話酸楚

先生
死後一條繩之句

先生
盡節

論詩絕句三十首

并序

閩登第始於薛庶子而文章名世始於歐陽四門五代徐正
字黃推官輩各以風雅顯宋則楊文公爲大宗西崑之體直
繼玉溪其後道南啓教不重詞華然朱子五言醇穆有古意
至季世月泉吟社謝皋羽主壇坵連文鳳之才亦遠過於江
湖諸人明則林子羽倡其首諸子爲羽翼高廷禮唐詩品彙
一書其所分初盛中晚舉世胥奉爲圭臬而閩派成焉繼則
鄭少谷振杜陵之緒曹石倉有盛唐之音不絀於王李不染
於鍾譚風氣屢變而閩詩弗更雖曰囿於方隅然不可謂非
強立者至 國朝則許天玉張无悶黃莘田諸老尤彬彬稱

雅才焉所惜閩川名士傳閩南唐雅諸書俱佚徐興公之晉
安風雅林從直之白雲詩選僅存副本亦不甚顯近人鄭杰
所刊全閩詩錄又復抉擇弗精是一憾也其論詩諸作若杭
大宗之榕陰詩話徐延祚之閩游詩話率多挂漏踳駁最善
者則鄭荔鄉之全閩詩話徵引數十百種條舉件繫其體本
於資暇錄日下舊聞誠著書之雅裁而談藝之淵萃也暇日
偶仿遺山體雜綴以絕句久論定者不用多贅未詳究者無
取懸揣由遠逮近頗寓闡微之意云爾

韓公老眼雪霜寒凡馬由來顧盼難竟許知音繼郊島哀辭字

字淚汎瀾

歐陽詹有歐陽四門集

賭棋山莊集

詩六

長樂謝章鉞枚如撰

閱近人秋窗同話詞卷作

旗亭斜日太匆匆何處人間唱惱公
獨上釣龍臺上望銅絃遙憶大江東

昏昏兵氣入春城冷落當年柳七名
忽聽同聲歌水調曉風殘月不勝情

小西湖和星村

突兀祠堂香火空宗臣遺像肅秋風
當年具有回天力信史誰傳濟世功
湖水不波自深淺山雲如墨各西東
請看卅六橋頭

賭棋山莊集

詩六

一

路斷瓦頽沙夕照中

文字平生自苦辛
千秋風雅久荆榛
斷霞冉冉無多日
遠水潭潭有古春
後世論才比觀火
古人成派各傳薪
湖頭一片團圓月
肯照鬚眉認夙因

我友新從湖海歸
哀歌獨立看斜暉
大江南北傾狂淚
故國醉吟避殺機
此地久無車馬過
吾儕合與鷺鷥飛
雄心尙恐驚眞宰
不敢昂頭上翠微

飛虹橋下水盈盈
對訴離腸一月明
渡海那知成汗漫
買山無計誤生平
干戈滿地文章劫
魂魄懷鄉骨肉情
君亦孔融座上客
十年回首蹋歌聲

芭川之東洋余儻之宛在堂其夜泛舟飛虹橋酬歌送旦今芭川作古人已七年回

肯前塵不勝山陽聞笛之感
星村亦與芑川善故及之

釣龍臺餞梁洛觀

履將

之吳

依舊狂濤滾滾流濃雲如墨海東頭登高忽聽魚龍嘯小住還
爲燕雀遊半壁江山銷霸氣萬家燈火足春愁故人陡唱陽關
曲把酒淒然話去留

長劍空囊一飯求嶙峋瘦骨裏輕裘投杯忽向白雲笑此井能
通大海流溫飽何關吾輩事風塵都積古人愁平生賃廡家風
在五噫哀歌獨掉頭

登釣龍臺

不解長江浩浩來銷磨雙鬢獨登臺諸山都作驚寒態此水誰

賭棋山莊集

詩六

爲破浪才地迴固無塵土染語狂還怕燕鶯猜當筵舉酒遙相
屬知有風雲在草萊

遇張軒叔

承架

憶昔溪南路狂濤送扁舟我時方感遇君亦隱離憂一夜浮雲
變千山古木秋有書無地寄十載兩悠悠

兩夜獨坐感懷

濃雲黯黯雨霏霏元髮蕭疎雙鬢稀筋力漸衰添老態乾坤多
故息生機千戈偃蹇無堅壁書劍低昂對短衣忽想馬周在逆
旅百錢沽酒忍朝饑

重讀芑川集作

並序

十二年前在東洋抱病芑川所以視之者甚至耗其資數十金然其情之勤懇尙不能殫述也雨夜省視遺集不勝惘然
作此

十二年前骯髒身孤燈藥裏惘傷神憐才獨切驚餘子多病能
生恃故人方寸卽今添塊磊九原誰與話酸辛滿窗風雨無人
夜獨立蒼茫血淚眞

贈星村

短李才華妙一時布袍無恙愛鬚眉看花自詡千秋眼放筆能
爲六代詩磨蝎久嘗入世苦奔波誰諒此身疲著書何處尋茅
屋置汝風塵百不宜

七夕病中偶得

紙窗習習曉風輕
急雨遙零數點聲
忽見鏡中人影瘦
十年心事太分明

不爲孤雁不雙魚
不寄瓊樓一紙書
誰向橋頭問牛女
銀河深淺近何如

書芭川集後

人靜蟲聲健
風狂燭影低
撫心方渺渺
閉戶獨悽悽
最怪孤飛雁
無端盡意啼
十年懷袖字
委地已成泥

已盡平生淚
艱難寄故人
當時珍重意
此日亂離身
四海歸狂夢
深山少古春
不知雙鬢瘦
還見幾風塵

雜感

海水倏已深海山倏已高但見日月忙不知天地勞人生百年
內有如鴻一毛矯矯負青雲颯颯穿蓬蒿得意飲美酒各自極
其豪旁觀不能測或笑或號咷爭智有意而分廩有螻蟻十萬
八千里何以置吾曹

既死不復生既醉不復醒醉者肝膽赤死者鬢髮青昏昏北邙
山腹痛不忍經平生易淒涼夜臺恐零丁或可叩天關因之會
羣靈仰首八極外笑傲讀黃庭雖復闕人事庶幾無天刑

嶺海二歎

歎之不勝歎嶺海各舉其一焉

老漁歎

廣匪充斥虎門外漁舟不敢出海物值數倍於常

內船不敢往外船不能到老漁抱船泣望魚如望寶二月南風
來腥臊滿絕島百錢入市門海物多於草貴賤忽失常江河有
顛倒昨夜五虎山盜艘方宴犒廣筵羅眾鮮斫鱠快如掃饜飫
拋其餘積鱗等城堡老漁垂空手盤餐少乾藁苟爲口腹爭未
必性命保大嚼無憂患不如孫盧好

稅牛歎

嶺農借牛過釐金局吏止牛徵其稅民曰借也吏曰借
能免稅乎不稅牛入官矣農涕泣脫衣付吏赤身牽牛歸
老翁牽牛過奪牛人聲喧一牛三百錢稅牛吏在門老翁抱牛

泣借牛耕南原無牛空手歸何以見同村稅吏顧之笑緘口勿
多言愛牛莫愛錢錢去牛尙存 國家有急需汝當報 至
尊官威況不測尤宜念子孫此地日千萬百錢豈煩冤脫衣付
稅吏俯首但聲吞歸家愈驚顧不敢畜雞豚

上巳星村軒叔招遊臺江作

江水若有情定知愁幾許回首望青山默默不一語日暮風波
惡相對吾與汝

西洋刀歌

夷船峩峩海之關深目高顴坐中間手持短刀餘二尺睥睨志
若無江山道旁觀者心膽戰出沒刀光波上顛模糊頑鐵厚三

分誇詡精金經百鍊時無英雄奈刀何蒼茫跋浪驚蛟鼉長槍
大劍不得力容汝得意千摩挲三十年來急邊患 至尊赫

香祈海晏毒草誤人萬死生倉皇將士無家慣天津黯黯陣雲
高霜鋒亂舞吹毫毛礮臺連失七十二髑髏顛倒神鬼號此刀
未必真利器猖狂如此何人致謀 國誰爲鑄錯才憂時徒隕
傷心淚安得借刀手試之夷刀殺夷夷更悲短衣匹馬力一割
此是男兒報 國時

趙忠毅公東方未明硯歌

虛堂霜氣孤燈碧魍魎潛窺喪其魄吁嗟此硯從何來恍惚忠
魂一千尺趙公嶽嶽真人豪揮斥宦侍如鴻毛頑石爲公亦起

舞拜疏手捧青天高卅載閉門深養氣著書百卷知何意出山
原不爲高官立身自有千秋計茄花委鬼交猖狂太白慘慘天
無光此時滴硯淚成血銘詞掩抑風蒼涼代州一去竟萬里羞
遑行囊亦無幾但留拳石伴高節忠肝猶照金門裏窮邊老死
還君恩首領不同楊左冤青花一寸如拱璧字字卓立輝乾坤
再拜摩挲欲千萬孟津竄名殊可恨銘爲王覺斯所書讀史思爲一代
人立朝勿諱四凶論四凶論公所
作指媚奄者

許米友墨蹟 有引

雨響風號翠幾層石頭懷古不堪登無端縛就松針筆畫得
青山是孝陵雨中遊清涼山諸詩作畫之一也五竺道兄正

之灑弟許友書於紫藤花菴按右係草書孝陵明太祖園寢
跳行書五竺甯德崔從殿生也

紫藤菴中紫藤花中有仙人凌紫霞桑海歸來散白髮瓣香遙
禮玉皇家九州破碎無完土夜夜庵前急風雨何處高歌不鬼
神暮年噩夢猶龍虎一紙盤挈淚滂沱似此人間可奈何青山
大是無情物金陵王氣驚銷磨獨立掉頭不得意槎枒肝肺淒
涼字九死終歸平遠臺才名三絕成何事箕尾無光風蕭蕭想
君擲筆吟大招我讀君詩青衫溼石頭又報烽煙急

題三異人集後

有引

三異人方正學于忠肅楊忠愍李卓吾集其傳誌事蹟爲一

編

四十餘年心在茲而今掩卷愧鬚眉三公嶽嶽如太華賤子悠
悠尙海湄報國誰能輕一死登場無力逐羣兒功名自古關
氣節不獨高皇養士時

松風堂謁李忠定公

賤子少年頗慨慷中夜起讀公文章小西湖上桂花發杯酒獨
酌公祠堂爾時意氣真無敵縱談萬里思騰驤自言他日爲世
用肝膽私淑公門牆豈知蹉跎已四十矮屋坐困筋力强天甯
山前又獨立俯仰身世驚蒼涼公昔讀書此堂內江山龍虎爭
飛揚長松手種一千尺此才真足成棟梁忽然登朝忽去國七

十五日何旁皇九重原無恢復志誤事豈獨皆汪黃渡河辜負
宗留守騎驢惆悵韓蘄王公亦既斥不復振箕尾被髮歸帝旁
忠言逆耳竟齷黜建炎覆轍循靖康卽今豺虎滿海疆妖墓蝕
月天飛霜虎門去此亦咫尺水仙談笑旌旗張金縉銷磨歲百
萬蜃樓夜宴圍紅妝何人解誦梁溪集狼烽出沒連四方可憐
山川黯無色孤松颯颯悲風長我生後公七百載我家猶是公
之鄉嗚乎我今鬢髮蒼那得見公下九閭東南半壁爲金湯

柳花

欲從飛絮問前因可與浮萍話後身十日東風五日雨二分流
水一分塵纏綿空自添惆悵飄泊何方慰苦辛差幸婆婆有生

意長條踈地短條新

萬壽橋歌

天遣長虹劃江水六鼇先駕中洲起大塊直壓狂濤頭陽侯失色馮夷死頑石遙穿卅六門驚沙忽合一十里行人往來過凡幾豈知神功有如此憶昨痛飲江之臯江樓百尺橫雲高我方沉酣天忽黑龍顛虎倒風蕭騷推窗一望飛鳥絕巨浪萬點堆腥臊上流排擊疾於箭老鴉嘴利爭叫號橋柱內寬外削俗名老鴉嘴舟子低頭不敢出漁人縮手停空艘果然咫尺變千里逆之失足成鴻毛橋邊行者踟狂雨低昂一蓋當風操扶持轉瞬到彼岸凌空談笑忘驚濤乃知中流砥柱力不遇艱危人不識江海方爲

水火爭鬪干未覺魚龍迫今日登橋忽太息龍涇馬瀆無顏色
天吳大笑層樓巔狂蛟睥睨橋南北

南浦秋波錄題後

是錄張亨甫所著蓋述臺江治遊之事

雙江宛轉送風波拍板當樓慷慨歌那曉竹枝怨兒女埋愁猶
是舊山河

珠簾繡戶晝陰陰忽聽魚龍叫嘯音一樣琵琶有今昔江湖何
處託春心

酒杯灑淚弔沉埋夢得哀吟惜異才竟忍騎鯨攜手去故鄉花

發不歸來

夢得謂芑川予所燕秋波錄芑川書其後曰亨甫又有金臺殘淚記一帙嘗謂余日記金臺匪記金臺也

後世必有淚余之淚者秋波錄則錄南浦耳今觀此錄而淚已
然然嗟乎亨甫於是歿三年矣此一別淚將與誰共灑之耶芭
川書此時蓋道光乙巳越七年芭川亦歿

鷓鴣曾挂酒壚旁眼見華胥劫火忙飛溷飛茵總無著十年苦

海幾興亡

是錄隱名華胥大夫著

燕子高飛變鳳皇檀槽換調唱伊涼多情猶有襄城曲只惜無

人寄雪娘

雪娘見亨甫襄城曲此姬以亨甫故名大噪初事亨甫甚謹後忽與某公密從之去

歷歷關河總淚痕肯因酒肉怨朱門何人乞食歌姬院解向傷

春覓罪言

龍瑞寺雙搶歌

有引

寺在會城南門外四十餘里唐中葉建塔在寺廷高過佛殿

之半合葺泥爲之瓦簷佛像花卉皆作紺色上以鐵釜覆之
共九層八角角廣二尺有奇下有志云宋元豐二年造聞諸
故老云昔有賈客泛舟西洋令洋人爲此載之而歸非中土
物也明倭寇至其地將毀之火光迸發懼而止今其基尙有
刀斧痕塔久似有欲傾之勢然左望則傾右右望則傾左不
知何故也

森然怒龍挺角蒼冥巔雙尖拔地直起橫雲煙長江滾滾風波
日萬變塔乎突兀對立將千年其上覆以鐵釜牢且堅下有紀
載造自元豐前中間諸佛皆作紺碧色簷花續紛蒼翠交相連
玲瓏陰幻幾疑出神鬼九層八角鈴鐸通人天吾聞淨宇琳宮

甲海內浮屠往往極力窮雕鏤東西淨光萬壽皆奇絕大官糜
費何止千金錢人心佞佛佛亦與呵護至今秋燈萬點輝蟬聯
卽如此塔大有神靈意能使倭奴縮手垂空拳刀光未下火光
已迸出龍圍虎繞一柱安枯禪或云昔者西洋妙功作大賈載
之來自窮荒邊堅緻牢實中土固無比法輪高矗不畏櫓槍纏
我聞此語四顧三太息江山近日盡染胡人羶欲遣罡風吹塔
付江水莫誇此輩心手如神仙塔前黯淡斜月不能圓塔下寒
沙衰草何田田但見似笑非笑佛無語相對欲傾不傾塔可憐
讀游俠傳

平生孤憤緣何事蠶室風波總不平富貴從來少知己死生無

地託交情一編自寫蒼茫淚此輩猶堪磊落名便與酒徒聯臂
去眼中恩怨尙分明

貧交行

羅易污不如布玉易折不如鐵臣家寒臣心熱不贈君金贈君
血

隴頭吟 辛酉三月作

破碎青山三兩點萬馬窺邊刀光閃行人揮淚向隴頭孤城無
聲白日掩瘦人不能肥瘦馬不能馳青燐夜夜登人衣太行山
雪難療饑故鄉南望一千里君獨何爲至於此山不成山水不
水君不見敗葦殘蘆高逼天梟鷂出沒無人煙壯士對之尙涕

漣問君胡爲來守邊鐘鼓既無恙富貴千萬年駕君馬著君鞭
君儻歸來如神仙

大水三首

魚蝦滿階除蛟龍窺江幽陽侯歎然來騎馬闖大屋屋底何蕭
條十家九家哭東鄰寒無衣西鄰食無粥百里不見人但見萬
瓦覆吁嗟血肉軀朝夕葬魚腹皇天豈寡恩淫雨猶簸簸生死
不自知何心復弔屈

詩五月五日

昨登烏石山澗洞若千里高田無餘疇低田不見底海邦近多
事何以資生理飛輓通京師努力獻天子拮据十萬斛餘
者能得幾所賴歲有秋庶幾生可喜馮夷忽不仁淒涼泣桑梓

近山既苦兵近海復苦水人心苟無恃吾尤慮奸宄

上江多高隄下江多頑石西湖容水區近者不及尺蓄洩既無
資凶災逼朝夕屈指廿年來西南禍尤急力窮一命爭地窪數
倍積施賑有程期報荒無實額 帝心非不慈溝壑終何益
吾聞感召理天人通一脈其上多太和其下少寒色願持陰陽
平勿使水火迫

讀張許二公傳

報國何必須高官縣令赤手誅豺豕殺賊何必須封疆斗城屹
立如金湯九重未曾識名姓森嚴闔外將軍令兄弟交情世所
稀妻孥並命心逾勁許公大度無世情張公濟變尤通神欲騎

龍虎挽天地誓掃螟蟻歸煙塵是時國步亦已蹙六馭飄零滿
山谷舞馬悲鳴下赤墀妖鳥帶血啼黃屋二公痛哭走蒿萊再
拜立元皇帝來李郭先聲此獨建南雷後勁皆奇才障蔽江淮
報天子僕妾亦爲忠義死不令公山草木驚那能芒碭風雲起
雙忠繪像勝淩煙三日遲救甯非天長城已壞數千里浩氣猶
留億萬年今日中原泣豺虎高牙大纛誰公伍疑碧淒涼怨管
絃花門出沒喧金鼓吁嗟乎男兒七尺愧生平不朽思君忠孝
名震國勿爲哥舒翰殺身肯讓顏杲卿

廣艇嘆

富不必商與賈貴不必文與武自稱水仙王橫行無所苦海波

貝林山莊集 言二
三
峩峩中有虎萬點刀光波上舞小舟聞風頭已俯大舟倉皇棄
樓櫓自跪獻玉帛甘心作奴虜朝出行酒與脯夕歸來簫與鼓
終身樂之忘鄉土始知作賊勝官府吁嗟乎賊人喜闖人懼闖
人懼泉人怒桓桓吳將軍提兵出海門一戰飲賊血再戰銷賊
魂亂斫頭顱擲海水百七十人同日死闖人感激淚如雨吁嗟
賊乎汝生無家死無所

賭棋山莊集

詩六終